



NIEUWEGEIN/ORANJESTAD – “Pafo ta extremadamente friu, pero aki den ta haci calor, calor di Aruba”, asina Prome Minister Mike Eman a yama

e bishitantenan bon bini na e celebracion di Arubadag na Hulanda. Eman a hiba un discurso apasiona den cual e ta pidi pa tin mas amor pa pro-

Arubadag ta percura pa calor den un Hulanda extremadamente friu



himo, pa mas amor fraternal, solidaridad, tolerancia y responsabilidad comparti pa di e forma aki brinda no solamente Aruba, pero tur e otro paisnan den Reino un miho futuro. “Laga nos brasa Reino y comparti nos prosperidad cu otro. Ban stop cu polarisacion, pero mira kico ta mara nos na otro y traha riba metanan comun. Hunto nos por mucho mas. Trahando hunto nos ta laga algo bon pa siguiente generacionnan”. Minister Ronald Plasterk di Asuntonan Interno y Relacionnan di Reino den su discurso a subraya cu Aruba ta bayendo bon. E ambicion pa posiciona Aruba como gateway entre Europa y e ‘Americanan’ por conta cu su sosten, asina el a priminti. “Nos por haci hopi hunto eynan”, asina Plasterk a bisa, pa despues a haya un aplauso grandi pa



hunto cu Prome Minister Eman, Minister de Meza y Minister Plenipotenciario Edwin Abath balia y yanga heup dilanti e miles di hende presente na e evento Arubadag. Despues di e parti oficial di e programa cu a wordo asisti pa

mas o menos 200 dignatario y otro relacionnan importante pa Aruba, e fiesta bou guia di Ruben Garcia cu hopi fanfaria a cuminsa. Tabatin presentacion di entre otro Caribbean Punch, Oreo, Alain en Dane Clark y Rey di Tumba Jeffrey Kelly.

